



20.11.20

Innkalling til møte i SMU (skolemiljøutvalet) ved Fogn oppvekstsenter

Møtedato og stad: torsdag 26. november kl. 12:00 – 13:00 på oppvekstsenteret.

Covid-19: Smittereduserande tiltak gjeld for all møteverksemeld på oppvekstsenteret. Vi ber særskilt om at du ikke kjem dersom du er sjuk eller har forkjølelsessymptom

Innkallinga går i utgangspunktet til valgte medlemmar i SMU

SMU:

Birk Sivertsen (leiar)

Martha Elen Straumstein (elevrepresentant)

Pål Grønås (foreldrerepresentant)

Morten Sangedal (foreldrerepresentant)

Jakob Bø (kontaktperson elevråd og lærarrepresentant)

Anne Martha Straumstein (representant for andre tilsette)

Heidi Bø Sangedal (kommunal representant)

Pål Grønas meldte fråver til møtet. I staden for han, møtte Håvard Østhushus (via Teams)

Beste helsing

Hilde Folkvord Juul

Rektor - Fogn oppvekstsenter

Mail hilde.folkvord.juul@finnøy.kommune.no

Telefon: 51 71 46 80 /48 86 94 52

Sakliste for SMU (Skolemiljøutvalet)

Skolemiljøutvalet har som mål å bidra til at skulen, dei tilsette, foreldra og elevane saman jobbar for eit trygt og godt læringsmiljø på skulen.

SAK 8 – 20/21: Godkjenning av innkalling og sakliste

SAK 9 – 20/21: Godkjenning av referat frå førre møte i SMU

SAK 10 – 20/21: Juleavslutning på skulen i ei koronatid

SAK 11 – 20/21: Aktivitetar i friminutta

SAK 12 – 20/21: Kveldsskule for 5.-7.klasse i Robin Hood-skogen

SAK 13 – 20/21: Ymse (Det er fint om saker under “Ymse” vert spelt inn på førehand, og seinast under saka “Godkjenning av innkalling og sakliste”.)

SAK 8 – 20/21: Godkjenning av innkalling og sakliste

Innstilling frå rektor: SMU godkjenner innkalling og sakliste

Det blei meldt inn ønske om at sakliste til SU/SMU, samt referat, også blir sendt til alle medlemmane i FAU slik at dei er orienterte om sakene.

Vedtak: Innkalling og sakliste blei godkjent. I tillegg skal innkalling og referat også sendast til medlemmane i FAU (kopimottakar).

SAK 9 – 20/21: Godkjenning av referat frå førre møte i SMU.

Innstilling frå rektor: SMU godkjenner referatet.

Det blei etterspurt om kor ein finn innkalling og referat til møta. På dette svara rektor at referat blir lagt ut på heimesida etter at det er godkjent av SU/SMU. Dette kan gjerast analleis, td kan ein gi medlemmane ein tidsfrist til å kommentera referatet før ein legg det ut, eller ein kan legge det ut med forbehold om at det kan bli endra på neste møte.

Vedtak: SMU godkjenner referat frå førre møte. Referatet blir også lagt ut på heimesida etter at medlemmane har fått lest igjennom og gitt høve til kommentarar.

Sak 10- 2021: Juleavslutning i ei koronatid

På grunn av koronasituasjonen, kan vi ikke arrangere juleavslutning på den måten som vi bruker. Vi kan ikke invitere gjester, men vi kan ha fest for alle elevar og lærarar på skulen. Planen er å ha juleavslutning for elevar og lærarar torsdag 17. desember kl 17:00 – 19:00.

Forslag til program:

7.klasse er programleiarar

Alle 3 klassane har ansvar for program i ca. 15 min kvar. Det kan vere skodespel, sketsjar, konkurranse m.m. (i gymsalen)

Mat: Julegraut i vestibylen.

Vi går rundt juletreet til slutt.

Tilbakemelding frå elevrådet er at dette er greitt. Dei ønsker at festen skal bli filma slik at foreldra kan sjå innslaga i etterkant.

Det blei også diskutert om juleavslutninga kunne vore arrangert klassevis og at foreldra blei invitert med. På bakgrunn av smittesituasjonen/Covid 19 vurderer rektor at den føreslalte løysinga er den beste. Elevrådet ønsker også den føreslalte løysinga. Dei meiner at elevkveld er viktig både med tanke på samhald på skulen og at det er kjekt å få sjå dei andre klassane sine skodespel.

Rektor viser også til siste melding frå skulesjefen:

Flere skoler får henvendelser fra foreldre som ønsker å avholde et førjulsarrangement for elevene.

I dagens situasjon er det imidlertid en rekke smittevernhensyn som må tas hensyn til for å unngå nye smitteutbrudd. Som dere vet, har mange Stavangerskoler den siste tiden opplevd smitteutbrudd med påfølgende karantene for elever og ansatte.

For å redusere risikoen for nye smitteutbrudd blant elever, fraråder derfor skolesjefen førjulsarrangementer i regi av foreldre.

Medlemmane i SMU var svært positive til at skodespela/innsлага skulle filmast slik at foreldra kunne få sjå i etterkant.

Innstilling frå rektor: SMU godkjenner at julefesten dette året blir arrangert som skissert over. Innsлага skal også filmast og sendast til foreldra.

Vedtak: Som innstillinga

Sak 11- 20/21: Aktivitetar i friminutta:

Rektor har bedt om ei tilbakemelding frå elevrådet på korleis det går i friminutta. Elevrådet melder om at det er meir aktivitet no (fotball, bordtennis o.l.)

Dei ønsker påfyll av meir leikeutstyr, td. bordtennisballar, tennisballar til slåball og mjuke ballar til kanon/stikkball. Dei ønsker også at spel- og kanonballbanen ute blir merka opp på ny.

Rektor har alt bestilt inn meir leikeutstyr. I tillegg føreslår rektor at klassane får kvar sin kasse med div utstyr til friminuttssaktivitetar. Klassane må sjølv ta ansvar for, ta inn og telje opp innhaldet i leikekassen regelmessing.

Vi opplever ofte at leikeutstyr ligg ute på ettermiddagstid og i helgene, at det forsvinn og/eller blir øydelagt av regn. Rektor har laga ein plan med fordeling av ansvar for å rydde inn leiker siste time kvar fredag fordelt på klassane. Det er viktig at dette blir fulgt opp av lærar i siste time og klassane.

Elevrådet ynskjer at lærarane skal seie tydeleg nei til leikeslossing. Dette er tatt opp i lærarmøte og vi skal vere tydelege på å stoppe slik leik. I tillegg skal kontaktlærar i alle klassar ta dette opp i klassemøte.

Elevrådet har gått rundt i alle klassar og informert om at det ikkje er lov med leikeslossing.

Innstilling fra rektor: Det blir kjøpt inn leikekassar med utstyr til klassane. Klassane må ta ansvar for at leikeutstyret ikkje ligg igjen ute.

Kontaktlærar har ansvar for å snakke med klassen om at leikeslossing ikkje er lov.

Vedtak: Det blir kjøpt inn leikekassar med utstyr til klassane. Klassane må ta ansvar for at leikeutstyret ikkje ligg igjen ute.

Kontaktlærar har ansvar for å snakke med klassen om at leikeslossing ikkje er lov.

Sak 12- 20/21: Kveldsskule i Robin Hood-skogen for 5.-7.klasse

Elevrådet ønsker å ha kveldsskule i Robin Hoodskogen i løpet av dette skuleåret. Det var kveldsskule for 7.klasse i fjar og elevane syntes det var kjekt. Det er ein føresetnad at verforholda er nokolunde bra. Det vil i tillegg vere behov for foreldre på eit slikt arrangement.

Det kom fram ønske om å fastsette to datoar for dette arrangementet. Dette vil bli sendt til foreldra så snart det er bestemt. Arrangementet vil mest truleg skje i januar då desember månad alt er ein travel månad. I tillegg er det kjekt å ha noko å gle seg til etter juleferien.

Innstilling fra rektor: Rektor føreslår kveldsskule for 5.-7.klasse så snart det blir mogleg, ift. veret.

Vedtak: Det blir kveldsskule for 5.-7.klasse i januar og når vermeldingane er gode.

SAK 13 – 20/21: Ymse

Saka om trygg skuleveg blei etterlyst. Rektor har sendt inn førespurnad til kommunen om ei vurdering av skulevegen på Fogn, utan å få eit endeleg svar. Jf. Sak på møte i SU/SMU 01.10.2020.

Rektor skal på ny undersøkje prosessen og kor saka ligg nå. Orientering om denne saka blir lagt fram på neste møte i SU/SMU.

De blei også bedt om at det blir vurdert å gjennomføre møta i SU/SMU på digital plattform, td Team eller Meet. Vi hadde god erfaring frå siste møte før sommaren, og neste møte i SU/SMU vil bli gjennomført digitalt dersom smittesituasjonen ikkje endrar seg.